



20. februar 2009

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginiarpakka:

Naappasimasunik paarsissunik, sygeplejerskenik sulisussanik pissarsiniarnermut tunngatillugu Naalakkersuisunut apeqquteqaatit

(Inatsisartunut ilaasortaq Astrid Fleischer rex, Demokraatit)

Maluginiarpara qallunaat peqqissaasut tusaataanni Sygeplejersken-imi ilaannikkooriarluni sulisussarsiortoqartartoq, tassa peqqisaasunik sygeplejerskenik Kalaallit-nunaanni sulisussanik. Tamakkua saniatigut ilaatigooriarluni tusaammi tassani nittarsaassisoqartartoq, taakkunanilu oqaluttuarineqartarluni Kalaallit-nunaanni najugaqartuuneq qanoq ittuunersoq. Isumaqarpunga tamanna isumassarsiatsialaasoq.

Piffissami kingullermi SANA-mi ajornartorsiornerup takutippa, nunatsinni napparsimasunik paarsisunik, sygeplejerskenik amigaateqartoqartartoq. Taamaattumillu pasitsaassimavara taamatut sulisussarsiortarneq ilaatigut siunniussat saneqqulligit ingerlanneqartartoq. Ajornartorsiut unaasinnaavoq sulisussarsiorneq naammattumik sulissuilimmik ingerlanneqanngitsoq. Taamatut pasitsaassinerup kingunerisaanik Naalakkersuisut makkuninnga apeqquteqarfigerusulerpakka.

1. Napparsimasunik paarsisunik assigiinngitsunik sulisussarsiornermi nunat suut ilaatinneqarpat?
2. Napparsimasunik paarsisunik sulisussarsiornermi nunanik allanik ilaatitsisoqalissappat Naalakkersuisut nunat sorliit piukkullugit eqqarsaateqarpat, tassa apeqqummi 1-imut akissutigineqartut saniatigut?
3. Nunat allat sorliit Naalakkersuisut assigiinngitsunik peqquteqartumik napparsimasunik paarsisumik sulisussarsiorfigiissallugit kissaatiginngilaat?
 - a. Taamaassimassappat Naalakkersuisut qinnuvigineqassapput suna tunngavigalugu napparsimasunik paarsisut nunanit taakkunaneersut Kalaallit-nunaanni sulisinnannissamut naammattunik piginnaassuteqanngitsunut nalilerneqarnerat sumik tunngaveqarnerisooq nassuiaqqullugu.

Apeqquteqaatit ullut suliffiusut qulit qaangiutsinnagit akissuteqarfiginissaat kissaatigineqarpoq.